

陶美堂詩集



重刊洵美堂詩集序

宣統己酉冬余奉天子命

移掌北門入京展覲暇與吾

宗松山給諫同遊廠市購得

鄉先生楊龍友侍郎山水巨

幅說為奇絕吳梅邨祭酒畫  
中九友歌與華亭董元宰尚  
書太倉王煙客奉常竝列  
可謂傾倒備至邇時侍郎  
洵美堂詩集迄未見也嗣閱

獨山莫邵亭徵君所輯明  
黔詩紀畧於侍郎詩采擇

極勤亦以未見洵美堂集引

為憾事徵君博學多通所

著讀書經眼錄搜羅家富

而尚以此為憾信乎如杜少  
陵贈孔巢父詩所謂詩卷長  
留天地間誠非易易矣辛亥  
國變後余遜世海上閒與同  
年馮夢華江乙庵諸君結社



聯吟樂數晨夕時瀏覽唐  
宋名大家詩借淪性靈之頗  
留意鄉邦文獻如貴陽周  
漁璜宮詹桐野詩鈔遵義  
鄭子尹徵君巢經巢遺集並

已重刊問世一日接北平邢冕  
之太史通家書以謂刻正收輯  
有明邢孟貞先生遺詩孟貞  
與侍郎為朋季大作家兩人  
酬唱詩凡夥聞南中某世

家尚存有洵美堂集本屬代  
訪購付梓余徇冤之所請偶  
詢及夏劔丞姻家果以重值  
捷獲亟報冤之書曰幸不辱  
命重壽梨棗此責老夫任之



不煩君代謀矣因思人事顯  
晦問世遲速均有定數是篇  
之存匪特可慰侍郎於兩朝  
絕續三百年以後即徵君九  
原可作亦嘉許我輩能完後

死之責不斥為多事也爰託

盧君冀野梓於金陵經始乙

亥冬至丙子夏竣事篇幅字

體一仍原本之舊間有訛字

亦引舊典校正刊既竣余因

之有感矣當明之季侍郎詩  
才與謝君君采齊名為黔中  
二雋徒以與瑤草有連致為  
世所詬病實則侍郎全家殉  
國大節孤忠凜然於南都播

遷而後百世之下聞者莫不  
興起非鄉人所得而私也至  
其詩天才卓絕詞旨清奇集  
中諸老序之已詳道之茲不  
復贅特述刊書緣起以誌來

者侍郎尚有山水移一集為年  
少時侍親遊天台雁蕩所作昨


徑友人朱桂辛寄示鈔本惜

有闕遺近復承徐積餘觀察

通家慨贈原本並擬續琴問

世先述其大槩於此丙子六  
月既望貴陽後學庸庵陳  
夔龍序於海上花近樓時

年八十





# 序

昔庾子嵩長不滿七尺而  
腰帶十圍頽然自放衛洗  
馬美姿容而氣體羸弱雖  
復終日調暢如不勝衣試

挾之以登華山看落鴈峯  
有廢然而返耳則知山水  
之緣天實予之濟勝之具  
存乎其人殆難強耳龍友  
精神挺動意氣軒翔於天

下名山勝水靡不登遊而  
足之所躡目濟之目之所  
眺口濟之口之所述手與  
筆又濟之或咏春花或圖  
秋鴈或題古刹或跋前賢